

15
Q. D. B. V.

DISSERTATIO MEDICA
INAUGURALIS
DE
RACHITIDE
PERFECTA ET IMPERFECTA

QUAM
DEO SOLO PRÆSIDE
RATIOSÆ FACULTATIS MEDICÆ
CONSENSU

PRO LICENTIA

MMOS IN MEDICINA HONORES
ET PRIVILEGIA DOCTORALIA
RITE CONSEQUENDI

OLENNI ERUDITORUM EXAMINI SUBJICIET
DANNES PETRUS BUCHNER

VILSEKIO-BAMBERGENSIS FRANCO

DIE IV. APRILIS ANNO MDCCLIV.

H. L. Q. C.

ARGENTORATI,

LITERIS JOH. HENRICI HEITZII, UNIV. TYP.

ESSE TATIO MEDICA

INSTRUMENTA

RACIUM

REGIMINE INTERPRETA

DE

PRO HOC PARS

TIOS: FACULTATIS MEDIC

CONFER

PRO LICENTIA

DE MEDICINA

DE MEDICINA

DE MEDICINA

DE MEDICINA

DE MEDICINA

DE MEDICINA

DE MEDICINA

DE MEDICINA

DE MEDICINA

DE MEDICINA

DE MEDICINA



Pygmaea Pachitica Historiae quintae 14 annor.



EMPIRIA RACHITIDIS.

§. I.



Achitis, græcis Νόσος Ῥαχίτις, aut Νόσος τῆς Ῥαχέας, hinc latinis *morbus spinalis*, aut *Spinae dorsi*, Anglis *the Rachets* dicta, est Morbus, sub quo articulares ossium processus intument, ipsaque ossa incurvantur, & dorsi spina ex naturali situ suo distorquetur. Quamdiu ossium processus solum tument, ingredi vero ægro per morbi vim adhuc licet, *Rachitidem imperfectam*, Galli *Chartre*, & inde *Enfans en Chartre*, *Enfans nouveaux*, Nostrates verknüpft seyn, sublata vero etiam ingrediendi facultate *Rachitidem perfectam*, germani *Englische Krankheit*, in patria mea & alibi *Wechselbalg*, vocant.

Sed ut historiam pathologicam hujus morbi, seu quæ nihil, quam quod omni individuo hac ægritudine decumbenti competit, complectatur, rite concinnemus, ad historias prius Empiricas, quas nempe individuales determinationes ingrediuntur, descendendum putavi, propterea quod, quæ pluribus entibus communia sunt, recen-

fere nequeamus, nisi singula speciali contemplationi nostræ subjecerimus. Hoc vero opus aggredienti una Patrens quinque rachiticas proles, & sex alias ab hoc morbo non multum deflectentes obtulit. Quarum singularum adeoque en

HISTORIAS EMPIRICAS RACHITIDIS.

§. II.

I. **P**Uella nati maxima supra annum tres menses ætate attingens, primo absque convulsionibus dentes gignere incepit, mox ab eo tempore nodos articuli exhibuerant, brachia & pedes curvabantur, ac tertio anno etiam gradi prohibita, in perfectum morbum spinalem incidit. Abdomen prætumidum, & pectus ad latera compressum, antè elevatum gestabat. Caput prægrande, caro pendula & laxa, dispnoea continua. Sæpe per hebdomadam obstructa alvo laborabat: deinde ingentibus cruciatibus, & nervorum distensionibus (deinceps enim *nervorum distensiones* cum veteribus, & spasmos seu contracturas, & membrorum rigidas, seu Tetanoideas extensiones, & convulsiones seu agitationes partium perinde dicemus, ac vulgus germano nomine, *Gichter*, omnes tres hæc affectiones designat) indurata & lapidea scybala, ea vi extrudebat, ut fissis, seu rhagadibus distinctis ani marginibus, satis copiosis rivis sanguis proflueret. Cæterum plurimum comedebat addephaga. Et à secunda pomeridiana usque ad septimam vespertinam, ubi tres cum dimidio annos nata vivis excessit, convulsionibus & nervorum distensionibus, cum clamore ingruentibus, divexata est. Quartam vero horæ partem ante obitum crepitans

tans sonitus ex ipsius corpore exaudiebatur, qui, cum moreretur, repetebatur.

§. III.

II. Quæ huic natalibus successit puella, dimidium annum nata, ablaçtabatur; sana nihilominus & vegeta erat, donec secundo demum anno, postquam & loqui & ire jam didicisset, dentes erumperent absque convulsionibus quidem, sed magno cum æstu corporis, & delirantis animæ ludibriis, cum modo equorum, modo aliarum rerum phantasmatibus territa tremisceret. Ita dentitio cum articularum nodis ad quintum usque annum successerat, sternum elevabatur, abdomen & caput intumescebant, nec pedes amplius ad præstandum officium suum tam prompti vegetique erant. mox vero dentes primo flavi, post nigri redditi, iterum exciderant. Septimo autem ætatis anno reparabantur. Eodem hoc anno antica tibiæ parte proxime infra genua candenti ferro admodum comburebatur. Atque ab eo tempore, etsi feliciter consolidato ulcere, morbus tamen spinalis incrementum, nondum vero perfectum statum seu *ἀκμὴν* acquisivit: quem undecimo primum anno attigit. hîc enim simul & semel una nocte omnem gradiendi potentiam amisit; postea longitudine ita corpus detruncabatur, ut integro pede brevius redderetur, & magno capite, ac inter elevatas scapulas, quasi gomphosi immisso, brachiis & pedibus curvatis, mirumque intortis, elevato sternum, & eminente abdomine, ex homine in monstrum degeneraret. Tunc ne quidem sedere valens, ex brachiis & dorso, miserandum spectaculum! suspendenda erat. Et retro, nisi caput perpetuo muniretur, mox totum cadebat, quo nempe curvatura concava vertebrarum colli divertebatur. Præterea continuo quodam interno æstu, aut lenta febricula comburebatur.

Intellectu semper pollebat, & expleto decimo sexto ætatis anno, vespertino tempore, vita, sub levibus nervorum distensionibus, functa est.

Sed Ecce, quænam alia adhuc memorabilia phænomena morbo accesserint! Extremo vitæ tempore Hydrophobiæ quadam specie per quatuor aut quinque hebdomades ita correpta fuit, ut, etiamsi siti detenta, bibere tamen semper prohiberetur, facta sensatione, quasi quid ex vertice in os descenderet quantocytus, ac poculum labiis admotum esset. Sub hoc statu octo ante obitum dies, pedibus & manibus præcipue sinistris intumere, sinistro quoque oculo illachrymari cœpit, ac brevi post, potum quoque assumere; quo sumpto, tumor etiam increvit. Tribus ante mortem diebus pedibus emori, ita ut nihil amplius sentirent, & visio obscurari incepit. Per totum vitæ decursum frequentibus narium hæmorrhagiis subjecta erat, quæ primo sensationem vermis ex fronte in nares descendentis, & iterum recedentis, supremo autem tempore sensationem quasi gladii ex infimo abdomine sursum ea doloris potestate protrusi, ut in clamores misera puella effunderetur, sequebantur. Perpetuò duro fibulatorio thorax includendus, & custodiendus erat; quo semel ablato in suffocationem & gravem hæmoptoën incidit. Iisdem extremis temporibus femur supra genu à levissima vi fractum diffiliit.

Porro Clinico non inutile erit, & sequentia annotasse. Ab esu qualiumcunque dulcium, ut saccharatorum, pomorum, pyrorum, passularum, tam male habuit, ut inde in horrores, æstus, continuos vomitus, per tres aut quatuor dies sævientes, inciderit. eadem mala semel, à comesto raphani frustulo, per octo dies perpeffa est. Rheno navi descendens, pessime habuit, dein à thermis Baadensibus quoque. Etsi ergo rachitica hæc puella fuerit, admodum

modum tamen sensibilem fuisse, necesse est. Adhuc addes, quod decimo quinto ætatis anno de dolore, intra articulationum eminentes nodos fervescente, majorem in modum conqueri inceperit. Demum tussi & dyspnœa semperangebatur: eaque extremo vitæ die in orthopnœam aucta, ex brachiis continuo suspendi voluit, unâ ore tetram mephitim expirans, à qua sanissimus volucris, caveæ, quæ puellæ vertici pendens imminebat, inclusus, mox enecatus est.

§. IV.

III. Jam duæ gemellæ sequuntur, utraque sequioris sexus, quæ etsi neque dentes, neque morbum spinalem attigerint, huc tamen pertinere deinceps intelliges. Una tres quartas partes anni, altera ultra annum vivendo explevit. Utraque perpulchra quidem erat, sed magnum tamen caput, & genæ relaxatæ, licet jucunde rubentes, magnum quoque abdomen. admodum addephagæ. verè epilepticæ erant, ore spumantes, & digitis in pugnum collectis, admodum trementes convulsæque. per diem sæpe infestabat hic paroxysmus, cum acuto clamore exorsus, & cum terroribus alternans. miserum visu! subin sub pastu convellebantur, post tamen æque ac antea admodum ingurgitabant, & vix dimidia à pastu hora elapsa, redibant convulsiones. extra domum delatis certa epilepsia instabat. ano sæpe obstructæ erant, tuncque graviores convulsiones, dato tamen clystere mitigatæ. pulvis epilepticus Marchionis sæpe ad duos dies terrores & epilepsiam distulit. Sæpe pedibus, sæpe toto corpore tumebant, sæpe quoque tumor successive solutus fuit, & mortuis uni dexter, alteri sinister pes tumidus erat. Obibant autem convulsionibus & terroribus, per duos dies, continuo alternantibus.

nantibus. Non vero pulchritudinem faciei mors vicit, aliàs abunde miseras hippocratica facie dedecorare nolens.

§. V.

IV. Quæ gemellas excepit puella, inter vivos adhuc agit. Hæc à dentitione, absque convulsione succedente, nodosa facta est; sed septimo anno morbum spinalem adhuc imperfectum exuit. Semper adhuc puellæ corrupti dentes excidunt, sed reparantur. Variolis discretis bis laborabat, & tertio ætatis anno, & decimo quarto. Nimirum statum secundæ ægræ ad septimum usque annum servavit.

§. VI.

V. Quæ succedit, variolis confluentibus, fero livido repletis, bis laboravit, septimo nimirum ætatis mense, & duodecimo anno, decimo autem quarto, cum superiorem annum longa tempestas Austrina clauderet, vesperti fati cessit.

Per duos ferme annos lactata bene habuit, increvitque, etsi à nervorum distensionibus non plane libera. Postea dum dentes edere incepit, continuis convulsionibus ita infestata fuit, ut sanguis è faucibus sæpe evolveretur. præterea meticulosa erat. geniti demum dentes huic tragœdiæ finem dederant, sed nodosa fieri & in imperfectum morbum spinalem præceps agi, dentesque denuo, flavi primo, dein nigri facti, excidere inceperant. Ita per quinque annos sine dentibus vixit, donec undecimo anno novus succederet, quem ad tumulum asportavit. Ætatis $3\frac{1}{2}$ anno in platea currens, os femoris fregit, & cum à primo ætatis anno pedibus uti valuerit, ab eo tamen tempore, etsi consolidatum femur sectio Anatomica mortuæ docuerit, gradiendi non solum facultate privata fuit, sed miserum

miserum corpusculum in eam figuram, quam huic tractatui affixa Tabula exhibet, degeneravit. Perfecte ergo spinosa facta fuit. Porro ab eodem tempore bono appetitu, ac multo somno fruebatur. Diarrhœa ferme assidua per 14-20. dies durante, dein per incertum & vagum dierum numerum intermittente, non tamen in obstructions ullas terminata, tenebatur. Hæc autem ultimis sex vitæ mensibus sponte cessavit: & ultimis duobus obstructio alvi successit, bis ante mortem per octiduum durans. At vero Diarrhœæ in locum distensiones nervorum, & animi deliquia, quibus ingruentibus modo in præceps sese agi lamentabatur, modo auxilium implorabat, subrogatæ, alternisque diebus, antequam extremis temporibus in anomalam abierint, exacerbatae sunt. Præterea lenta febricula accessit, & ultimis duobus vitæ mensibus per tres sæpe dies urinam retinuit, ultima vero septimana per omnes fere horæ quadrantes paucam, & ultimo die, quo ad vespereum inclinato, mortua est, guttis continuis stililantem misit. Flaccida & inflata facies quatuor supra decem dies circiter ante, quam decessisset, collapsa est. Pedes & brachio sinistro primo intumuit, dein ad dexteras partes tumor transiit, & ita quoque per 14. dies ante mortem serum ex oculo dextro, seu lateris magis tumentis, exstillavit. Tribus ultimis vitæ diebus de nebula, oculos obfuscante, conquesta est, & pessimam mephytim ore exhalavit, atque extremo die, ob orthopnoeam suspensa esse voluit. Quibus junge, quod dulcibus assumptis per tres dies pessime habuerit, quin tamen vomitus accederent, sed ut distensiones tantum nervorum & animi deliquia intenderentur. Leniores demum nervorum distensiones vitæ imposuerant finem.

SECTIO ANATOMICA,

Cui mortuam subjeci, hæc docuit. Externa corporis facies talis erat, qualem & figura exhibet, & historia secunda jam contemplati sumus. A morte corpus non obliguit, sed extremo gradu flaccidum erat, sponte propendentibus membris, quò gravitas, aut secantis voluntas traheret. Neque obfrigit, sed diu à morte caloris quendam gradum retinuit, sanguis summopere tenuis, resolutus, & rutilus erat. Cutis non modo flaccida, & extendenti obedientissima, sed iusto quoque densior erat. Flaccida, & in spatium iusto majus propendens vulva. Cellulosa omnis, tam cuti substrata, quam omentorum & mesenterii plane evacuata fuit. Nec sive in hac, sive in vasis reperire fuit, quod dextrum maxime latus in tumorem levasset: hinc Emphysematicum, aut aëreum, fuisse dubitare non potui. Flaccidi ac cum suis tendinibus relaxati muscoli, à naturali sua rubedine abhorrentes, album admixtum habebant. Supra modum molles, & scissu faciles cartilaginee erant. Ipsa vero ossa cartilagineam naturam, & mollitiæ, & facie ipsa æmulata sunt. Cultro Anatomico absque vi totum os femoris discidi. Articuli à naturali sua constitutione, uti totum corpus, degeneraverant. Ita contracta ac collapsa pelvis ossa erant, ut digitum ano immissum vix admitterent, atque ut inde tota vesica in abdomen expulsa peregrinaret. Cavum ossium fistulosorum ex binis oppositis lateribus admodum compressum erat, ita ut cavitas cylindrica in planam, & parallelogrammiformem mutata esset; rubellum tamen serum continebat, resolutum, & neutiquam pinguedinosum, quod pressis lateribus plorabat. Spongiosa nullas cellulas exploranti exhibuerant. In abdomine vesica urinaria stupendæ erat molis, urinaque tota repleta, ita ut dimidia superior pars ultra umbilicum assurgeret,

assurgeret, inferior vero lata basi abdominis tegmini accreta esset. Porro valde densæ ejus membranæ erant, nec dissectæ, ac excussa urina, ullo elatere sese contrahebant. Magna intestinorum pars, præcipue coli initium induratis scybalis repleta, altera flatibus ita distensa erat, ut diametro illam multo vinceret. Ventriculus vacuus, sed nequaquam pro more evacuati contractus, sed flaccidus, & distentus fuit. Sanissimum erat hepar, sed mole auctum. Vesicula fellea ne vestigium bilis, aut alterius liquidi, sed expansa, aërem continebat; id quod opinionem meam confirmabat, credentis, tumorem etiam dextri lateris emphysematicum fuisse. Sanissimi Renes, & Pancreas, sed lien justo & minus & durius, tangentique digito sensationem cujusdam aspredinis exhibuit. In thorace excolores & pallidi pulmones, cæterum sanissimi, nullis tophis, nullis tuberculis, nullis vomicis, nulla suppuratione &c. læsi, nec pleuræ ullibi accreti. Sed mole cor flaccidum excedebat, non enim puellæ aliquot spithamarum, sed viri erat. Caput aperire & nox, & defectus instrumentorum, & festinatio me invitissimum prohibuit. Sed cum perpetuo stupida esset ægrota, secus ac illa, de qua historia secunda agit, non dubito, quin humidum cerebrum occurrisset, propterea quod tale stupidis infantibus esse, tot sectiones jam testatæ fuerint. *Vide Bonnet. Sepulchret. Lib. I. Sect. XIV. Observ. I. II. III. VII.* Ita quoque *Authore citato Libr. II. Sect. XII. Observ. IV.* refertur, in rachiticis aliis humidum, & serosa colluvie inundatum cerebrum, quale stupentibus esse mox percepimus, repertum fuisse, in aliis firmum & inculpabile, quale puellæ historiæ II, quæ intellectu semper vigeat, fuisse nullus ambiges. Porro *Loco cit. Observ. III.* de Rachitide agitur, in qua non modo cerebrum, sed & tota spinalis medulla humida, & vertebræ emollitæ erant. *Itidem Libr. II. Sect.*

VII. Observ. LXXIX. perhibetur; cerebrum in Rachitico aquosius repertum: idemque innuere videtur *Observ. II. Libr. II. Sect. XII.*

§. VII.

VI. Post has puellas parentes primum tandem masculum dederant, qui vero sequiori sexu non fortior, ejusdem morbi tyrannidi, postquam septem annos & aliquot dies vivendo attigit, succubuit. Balbutire, ire poterat, & facultatibus animæ præmature valebat, antequam, ætatis anno super tres menses expleto, sub plurimis convulsionibus, & nervorum distensionibus dentes fusisset. Quo tempore nodosus fieri, & difficiliter gradi incepit, ita tamen, ut ad eundem æstate expeditior, quam hyeme esset. Sexto ætatis vix exacto anno, omni eundi potentia intercepta, in perfectam Spinam incidit. Quoque verno tempore exanthema purpureum rubrum expertus est, quod copiosissima cutis desquammatione solvebatur, atque ab eo per æstatem melius habuit. Sexto anno, antequam in perfectam Rachitidem ageretur, bis æstate variolas discretas, aquosas, nec recte suppurantes, per tres dies præeuntibus, & concomitantibus quoque convulsionibus, passus est. Dispnoea subin summopere angebatur, quæ in ferinam tussim, copiosum sanguinem excutientem, solvebatur. Quare per quatuor hebdomadas nihil soliti, nil certius quam hanc dispnoeam illaturi, sed fluida solum assumebat. Huic hæmoptysi quatuor ante obitum septimanis largissima narium hæmorrhagia successit. Plenaria etiam Alopecia dimidio anno, & major pedum tumor, non tamen ultra maleolos assurgens, quatuor hebdomadibus mortem antevertit. Quatuordecim quoque ante obitum diebus facies, quæ plena, flaccida tamen, & pulchro rubore tincta erat, ita collapsa, & in rugas contracta est, ut
vetulam

vetulam referret; atque singulis noctibus sordibus, oculis, & naso effusis, ita conspurcatur, ut purgatu difficilis esset. per eosdem quatuordecim dies urinam, nisi acri epithemate ad hypogastria admoto, urgeretur, per duos dies retinuit. Porro admodum addephagus erat, nec cibo unquam satiandus. Et vere epilepticus, spuma oris, & in pugnum coactis digitis, cum malis suis dimicabat. Dimidio jam ætatis anno per novem dies identidem sibi succedentibus paroxysmis, & cum singultibus, æstu corporis, & frequenti frontis frictione junctis, dein duorum dierum induciis factis, per quatuor alios vexabatur. Ita quoque mane in lecto mortuus repertus est, ad amussim tota dextra corporis medietate cæruleus, aperto oculo dextro, sinistro clauso, & spumæ quid ore adhuc referens. Quibus addere potes immanes tenesmos, quibus perpetuo, præsertim ad vitæ finem, urgebatur, ita ut eadem hora repetitis vicibus sellæ imponendus fuerit, modò particula exeunte scybalorum, modo inani conatu.

§. VIII.

VII. Alter puer tribus mensibus supra annum expletis, levibus nervorum distensionibus obiit. Tertio ætatis mense ablactabatur, dein per totum vitæ cursum, seu per integrum annum, plane nihil amplius fluidi, sed solidâ omnia, densa, & sicca assumpsit. Addephagus erat. Alvo sæpe per tres & quatuor dies obstructus. Non convellebatur. Abdomen magnum, altum pectus, articuli non nodosi, facies plena, pulchra, flaccidior. quadrantem horæ ante obitum cum submisso clamore nigram & cadaverosam alvum deposuit.

§. IX.

VIII. Puella, pueros ordine natalium secuta, supra annum

num tres menses vivendo, non dentes attigit. Facies valde plena, verè epileptica, magnum & tumidum abdomen, altum pectus, manus sinistra per sex septimanas ante mortem frigida & paralytica. Convulsionibus comitata tussis demum in epilepsiam per viginti quatuor horas continentem, & perpetuo sudori junctam, atque hæc vespertino tempore in mortem transiit. Nodosa non erat, nec mortua facie hippocratica terrebat.

§. X.

IX. Hanc puer excepit, qui adhuc inter vivos agens, septimum annum mox ingreditur. Hic uno & dimidio ætatis anno sine convulsionibus quidem, sed cum hæmorrhagiis narium, prævio æstui succedentibus, dentes edidit: inde tamen nodosus factus est, & hæmorrhagiæ continuant. Anno ætatis quinto bis in hyeme uno mense variolas discretas maturantes habuit. Non loquitur, stupore quodam detentus, & purgatu difficilis. Æstate hætenus pedum officio magis valuit, quam hyeme. præsertim proxime elapsa æstate, quæ siccior erat, bene habuit. Sed diuturniori tempestate austrina, quæ superiorem annum finiebat, ita prostratus est, ut ingredi non valens, in perfectam Rachitidem adactus sit. Ab eo tempore non rara alvi obstructio, urinæ quædam retentio, una cum lenta feбри vexare incepit. Ab esculentis dulcibus hætenus abhorret, & corporis externam faciem talem gerit, qualem Rachiticis esse, jam sæpius percepisti. Corpusculum hoc per aliquod tempus alternis diebus fortioribus stricturis affici, pulsus me docuit, atque sub ejusmodi strictura ita invalescente, ut pedes rigidos redderet, subito olim intumuit, tumore brevi iterum & sponte evanescente. An septimus quoque annus huic puero lethalis, uti alteri historiæ VI. mortem attulit? perinde nimirum ac pubertatis tempus puellas historiæ II. & V. ad lethum deduxit.

§. XI.

§. XI.

X. Natu minima denuo puella fuit. Crescendo staturam infantis annum unum nati, non excessit, nec vivendo tres annos. Uno cum dimidio anno convulsa, & vomens dentes protrusit. Et etsi à cunis misera esset, debilior tamen ab eo tempore extitit, nec ire, nec sedere valens. Abdomen tumidum, pectus elevatum, addephaga, ere epileptica, & paucissimi somni erat, ita, ut intra viginti quatuor vix duas horas dormiret. sub paroxysmis epilepticis urina & scybala vi excludebantur. strabismicam convulsiones fecerant perpulchram alias puellam, & faciem lenissimam, licet flaccidiorem. Sed id memorabile est, quod omnis color vestisque ruber ab ipsius oculis procul removendus fuerit, nihil certius, quam epilepticum insultum excitaturus: porro quod aliquando per duos dies mirum in modum toto corpore intumuerit; tertio sumere inquieta, ab omnibus exspiratura credebatur, sed desperi uno vomitu, & dejectione nigra, ac ova putrida edolente, & mortem elusit, & simul atque semel omnis corporis tumor evanuit. Tenesimis inanibus quoque plurius per horam vicibus correpta fuit. Vitæ extremo anno is hyeme variolas, sero livido non satis impletas, exserta est, & sub posterioribus decem dentes, caninos, & molares, raro phænomena unà protulit. Postquam per quatuordecim dies & facies in rugas collapsa ex infante num finxerat, & tribus abhinc diebus dormire incepit, epilepsia continente vivis erepta est. Nodosa fuisse negabatur, reliqua tamen morbi spinalis symptomata rant.

§. XII.

Undecim harum prolium mater scrophulosa est, & quadragesimo ætatis anno ita vetulam facie mentitur, ut mirarer

mirarer de anomaliis mensium querentem. Pater & ante
& quam diu genuit, inconcussæ valetudinis sese semper
fuisse affirmat, vermibus tamen majorem in modum olim
laborasse constitit, & hodie quoque exsucco ac Rhevma-
tico corpore senium anticipat. Cæterum sedentariæ vitæ
homo acu durum panem lucratur, atque eos inter est
quos vitam merendi difficultas conterit, ac consumit.

§. XIII.

Cæterum adhuc subjungere placet, quæ vaga præ-
xis de Rachitide præterea docuit.

Observatio 1. Non alium adhuc, quam à dentitionis
ortum spinalem morbum vidi.

Obs. 2. Stantis aut erecti Rachitici spina lumbaris ex
convexo arcu antrorsum non curvatur, quo in sanis, se-
retrosum in lineam rectam magis propulsa recedit.

Obs. 3. Retrosum caput inclinare solent, quo nempe
concava vertebrarum colli inflexio ducit.

Obs. 4. Ego saltem plures stupidos Rachiticos, quam
facultatibus animæ valentes hactenus vidi: etsi hos quo-
que viderim.

Obs. 5. In castello, quod humidius cœlum, quam
ipsa urbs, sortitum est, mirabar numerum, & Rachitico-
rum, & cachecticorum prolium.

Obs. 6. Hic morbus inter juventutem argentoraten-
sem, ubi ob cœli humiditatem corpora pulchra & rela-
xata frequentiora sunt, creberrimus occurrit.

Obs. 7. Excepta puella ultimæ historiæ somnolento
esse rachiticos, & ægre per nares spiritum trahere obser-
vavi.

Obs. 8. Vidi, quibus dormientibus admodum in pe-
ctore ebulliret, qui deinde quamdam materiam, in fauce
tussi evolutam, deglutirent. Vidi, quibus vigilantibus idem
contingeret.

Obs. 9.

Obs. 9. Vidi ætatis cursu Rachitide imperfecta exemptos, scrophulosos fieri.

Obs. 10. Mutato Argentoratenſi cœlo, pubertatis tempore imperfecta rachitide liberatam novi, & in corpus strictum ex flaccido mutatam.

Obs. 11. Pueros novi, qui circa eundem annorum terminum Rachitidem imperfectam exuere, & ereſcere inceperant; laxi tamen, non mutato cœlo, eſſe perſeuerant. imo diu adhuc retentam, & facile exacerbandam, diſpnoeam demum cum annis quoque amiſerant. Novi porro, qui Rachitide eluctati, facile in pleuritidem quandam ſpuriam, cum ſuffocationis periculo junctam, incidunt: quæ venæ ſectiōne male tentata, juſculo viſoſo cum melle ſumpto, & cathartico, aut epithemati acri mox ceſſit. Porro hos, perinde ac ipſos ſtupidiores Rachiticos, admodum diſemetos & diſcatarticos eſſe, expertus ſum.

Obs. 12. In Rachiticis Linguam mole exſuperantem obſervavi.

Obs. 13. Infantem nodosum, unius & dimidii circiter anni pedibus, abdomine, ſcroto non rugoſo, facie tumētem, flacceſcentem, plane ſtupidum, eundi loquēdique potentia quadam, qua antea pollebat, defraudatum, cum largis doſibus Reſinæ Scammonii, Tartari Emetici, & Sulphuris Antimonii aurati, ad vitam, ſenſibilitatem, ac debitam ſtricturam revocare fruſtra tentafſem, tandem amplo cingulo mercuriali, cum ſpiritu vini ſæpius fricata dorſi ſpina, & Tinctura Veneris Helvetii, quæ Vitriolum Cyprium ſpiritu vini ſolutum continet, ita data, ut vomituriendi quidem conatus, raros tamen vomitus cieret, & appetitum plane proſterneret, in integrum reſtitui. Furibundam Praxin! exclamabant, quibus venus in omni caſu venenum eſt. ſed venerabundi Senis noſtri æterno præcepto. *Sect. 1. Aph. VI. Ad extremos morbos*

extrema exquisitè comparata remedia optima; ad extremum igitur stuporem & relaxationem extrema stringentia adhibenda.

Id adhuc notabis, etsi doses dati Tartari Emetici, & Vitrioli venerei oblitus sim, me tamen obstupuisse, ad excitandam nauseam ac inappetentiam ea copia opus esse non propterea, quod stupido drastica convenire, ex dogmatibus vetustatis ignorarem, sed quod, eam vim requiri non augurerer.

Jam ex his historiis empiricis seu Therapeuticis ea collecturi, quæ omni individuo, morbo spinali decumbenti communia esse observavimus, ad condendam præsentis ægritudinis pathologicam historiam accedemus.

HISTORIA PATHOLOGICA MORBI SPINALIS.

§. XIV.

Adentibus oritur iste morbus. Ossa mollia & cartilaginea reddit. Hinc processus articulares, & pari ratione omnia ossa spongiosa intumescunt. Fistulosa cylindricam suam cavitatem in planiformem, & ex binis lateribus compressam mutant, ac vario modo inflectuntur. Ipsi articuli diversam, & à natura abhorrentem constitutionem induunt. Flaccidæ fiunt, seu admodum relaxantur partes flexiles. Inde densæ membranæ & cutis, magna viscera, quibus & caput in nimiam molem exporrigitur, & thorax, retro spina dorsi, antrorsum sterni in Gibbum elevato, deformatur, & abdomen præsertim dextrum ob hepatis magnitudinem (*Hist. V. Sect. Anat.*); ac regio hypogastrica ob vesicam (*Hist. cit.*) majorem in modum extumescit, spina, ubi lumbos distinguit, retro propulsa.

Caput

Caput, emollita antrorsum convexa spina, quæ collo inest, retro inflexum portatur, nec rite sustentatum inter assurgentes scapularum summitates procumbit. Ob molitiem collabentibus, quæ non nominant, ossibus, pelvis angustata, deformatur. Relaxati inusculi primo difficulter, & cunctantes officia sua exercent, deinde, spreto animi imperio, agere plane recusant. Inde eundi, loquendi impotentia, respirationis difficultas, seu dyspnœa, rachitidis imperfectæ in perfectam mutatio. Hic tandem lenta febricula, noctu exacerbari solita, accenditur, plane consumens corpusculum, quod jam antea, evacuata omni substantia cellulari, contabuit, & faciem, quæ antea plena, & rubore superba erat, in ærugineas rugas, squamasque comburit. Unà admodum dyspnœa increfcit, tumores accedunt, emphysematici mihi visi (*hist. & Sect. Anat. cit.*), atque urinæ, aut oculorum stillicidia, visusque obscuratio. Demum nervorum distensio mortem infert, miseræ huic vitæ longe præhabendam. Adde adhuc, addephagos esse hos ægros, bile destitui, & resolutum sanguinem venis circumagi, sæpe fluidum quoddam copiosius in pulmones excretum in rhonchos exagitare, demum in fauces evolutum deglutire, dentes flavos fieri, dein nigros excidere. A morte quoque flaccidum corpus non obrigescit, nec innatum calorem omnem mox exuit. Hæc constantia morbi spinosi symptomata sunt. Variabilia sunt, quæ sequuntur. Obstructio, nimia lubricitas alvi, tenesmi immanes, convulsiones, epilepsiæ, hydrophobiæ species, terrores, stupor, ingenium, paralyses, hæmorrhagiæ omnis generis &c. Porro ex historiis empiricis hæc fluunt

PROGNOSTICA.

§. XV.

1. **S**I infans relaxati seu fluentis corporis sit, si abdomen tumidum, & altius pectus præ se ferat, si serius, post primum annum, v. g. anno uno & dimidio aut quadrante, aut plane expleto jam annorum binario, dentes edat, ut ut antea vegetus & alacris fuerit, metuendum est, ne in morbum spinalem incidat, siue convulsiones dentitioni accedant, siue non.

2. Rachitis imperfecta causis externis violentis, casu, fractura, ambustione, facile vel augetur, vel plane in perfectam mutatur (*hist. II. & V.*).

3. Rachitis imperfecta circa septimum annum, & tempus pubertatis salutariter solvitur (*hist. IV. Obs. 10. & 11.*): Secus, septimo anno, aut undecimo in perfectam mutatur (*hist. IX. & 11.*).

4. Rachitis imperfecta difficulter, perfecta vix, ac raro curatur. saltem oblata licet occasione, curam periclitari nolui. In ipsa autem imperfecta *oportet non modo se ipsum exhibere promptum ad ea, quæ decent facienda, sed & ægrum, & præsentem, & externa*: quod primum Hippocratis præceptum non alibi magis quam hic obtinet, præsertim, ubi sordida parentum oeconomia est.

5. Austrina tempestas Rachiticis mala (*hist. V. & IX.*): mala hyems, sed serena siccaque æstas opportuna (*hist. VI. & IX.*).

6. Coelum humidum Rachiticos facit (*Obs. 5. & 6.*): hinc & morbum auget.

7. Si febris lenta Rachitidi superveniat, si facies in rugas collabescat, si constantes extremitatum tumores accedant, atque ab uno latere ad aliud migrent (*hist. V.*), si oculus è directo tumoris stillet (*hist. II. & V.*), si dolor, quo

quo sanguis hæmorrhagicus exprimitur (*hist. 11.*), aut teneſmi (*hist. VI.*), aut alii ſtricturarum morbi augeantur, (*hist. V.*), mors imminet.

8. Si viſus obſcari, & pedes emori incipiunt, non ultra tres aut quatuor dies mors inducias agit (*hist. 11. & V.*).

9. Variolæ Rachiticis lethales non ſunt, raro tamen bonæ, & ſæpius occupant.

10. Tumor, qui Rachiticos ſub ſtricturis corripit, conſtans non eſt, & uno vomitu ſolubilis (*hist. 1X. & X.*).

11. Epilepſia ſpinoſorum in continentem facile tranſit, quæ jugulat (*hist. X.*).

12. Si facies tandem collabeſcat, vix ultra quatuordecim dies mors differtur (*hist. X. & VI.*), quam obſervationem quoque apud *Bonnet. Sepulchret. Libr. 11. Sect. XII. Obſ. 1V. Nro 1.* reperire eſt.

13. In Rachitide imperfecta dentes, carie ejeſti, ſeptimo anno reparantur (*hist. 11.*), non vero in perfecta (*hist. V.*).

14. Subitæ mutationes, ut diarrhœæ in obſtructionem & urinæ retentionem, in Rachitide lethum indigitant (*hist. V. &c.*).

15. Inſignis graveolentia oris Rachitidi ſupervenientiſ mala, & facile lethalis (*hist. V. & 11.*).

16. Hæmorrhagiæ Rachiticorum ſalutares non ſunt, ſed neque lethales, ſeu adiaphoræ (*hist. 11. & 1X.*), neque exanthemata lethi metum incutiant.

THEORIA ſeu TRACTATIO DOGMATICA DE RACHITIDE.

§. XVI.

Empirici olim dicebantur, qui omnem medicinam non niſi experientia magiſtra conſtare defendebant, Dogmatici ſeu Theoretici, qui rationem jungebant, Methodici,

qui à stricto, & laxo, seu fluente, atque mixto totam artem derivabant. His *Pnevmaticos* subjungere potes, qui calido, frigido, sicco, humido quintum elementum, quod *Spiritus* dicebant, addiderant. Jam veterum monumenta evolvendi liquebit, ab Hippocrate & Galeno terminis *Ligare*, *carnem duram reddere*, *cogere*, *colligare*, alibi quoque terminis *Extenuare*, *exsiccare* idem indicari, quod à methodicis verbis *stringere*, ab Arretæo, & Pnevmticis *Exsiccati* & *excalesfacti spiritus* nomine traditur. Porro Dogmaticorum illi *Duumviri solvere*, *emollire*, *carnes molles reddere*, sæpe implere, *incrassare*, *humectare*, *refrigerare* dicunt, ubi Methodici *fluoris* & *relaxationis*, Pnevmtici *frigidi*, & *humidi spiritus* nominibus utuntur. Præterea veteribus Dogmaticis *Biliosos*, & à bile morbos dici, qui Methodicis *stricti*, & à stricto morbi vocitantur: strictura enim excreta tenuia facit, quæ *Biliosa* Hippocrati nominantur: relaxatio crassa reddit, ab eodem *Pituitosa* dicta. Unde homines & morbi *frigidi ac pituitosi* idem Hippocrati & Galeno sunt, qui *relaxati aut fluentes* Methodicis.

Ita quoque Dogmatici *Cholagoga*, seu bilem educentia dicebant, quæ lenius purgantia, minusque stringentia biliosis seu strictis ad fluida tenuiora evacuanda propinabant, *Phlegmagoga* & *Hydragoga*, quæ acriora magisque stringentia relaxatis, seu phlegmaticis, aut ad crassiora, aut ad aquam œdematosam educendam exhibebant.

Nempe vetustas nihil, quod non observarit, conscripserat. Sed ut eas notiones cum ipsorum terminis, loquendique modis jungas, quas ipsi animo fovebant, cum vetustate exoleverint, singulari studio, & interpretandi arte opus est. Porro ut has notiones, diversorum temporum & seculorum Authoribus usitatas, inter se conferas, earumque identitatem perspicias, opus ingenio. Vides ergo, Methodicos & Pnevmticos nullis novis dogmatibus

bus Medicinam auxisse, sed novis tantum terminis, atque erroribus, utpote omnem catharsin rejicientes, morbos sæpe, & medicamina magis pro voluntate, quam pro ratione in relaxationis, & strictionis classes distribuentes, imo præter laxum, strictum, & mixtum omnium aliorum in Medicina ignaros. Unde non absque causa à Galeno Thessalum vituperante, qui inter Coryphæos Methodicorum erat, quique intra sex menses cuique, sive eruditionis alicujus compoti, sive experti, omnem Medicinam sese traditurum pollicebatur, ejus sectatores *Thessali Asinos* salutatos fuisse confido. Id quod cum & hodie multi imitentur, quot & Thessalos, & Thessali asinos adhuc numerabimus? Opportet tamen in Medicina Methodicorum terminos retinere, & quod in Latio conditi maxime latini sunt, & quod aptius, veriusque id exprimunt, cujus signa Methodicorum placidum constituit, præsertim quod in Galeni latinis versionibus *tensionis* seu strictionis, & *relaxationis* nomina me reperire memini. Quibus prænotatis, evolutaque morbi spinalis empiria, jam ad Dogmaticam partem convertimur.

§. XVII.

Rachitis est morbus magnæ relaxationis, quippe quemadmodum tensio strictionis, ita flacciditas relaxationis signum est. Quare cum Rachitici admodum flaccidi existant: hic morbus nimie relaxationis nota insigniendus. Quoniam ergo exsiccatio stringit, humectatio autem relaxat; *Partes solidæ rachiticorum nimium humectatæ sunt*. Inde est, quod glutine, perinde ac Machinæ Papinianæ ope nimis humectato, ossa spinosorum mollescant, cartilagineam naturam induta. Inde est, quod humidius Argentinenfium, & præcipue Castelli coelum Rachiticos generet. Inde est, quod mari circumfusa Anglia, quod Hollandia, quod Lutetiæ, quod

quod humidæ quæque Septentrionis regiones rachiticis frequentes sint. Inde est, quod in regionibus siccis rarius fit morbus.

De coelo Argentoratensi id adhuc notabis, quod, cum apertum, & omni vento pervium sit, salubritate sese admodum commendet; quod vero, cum frequentes rivi, urbem interlabendo distinguant, circumque fluant, cum proximus quoque Rhenus in aërem evolutos vapores suos transmittat, cum demum gremium vallis, levibus paludibus penes Rhenum notatæ, occupet, humidius utique coelum nostrum existat. Inde est, quod magis relaxata corpora, atque hinc pulchritudine quoque insignia hîc reperiās. Inde est, quod quæque tempestas humida mox officinas nostras Formulis medicis repleat.

In specie de Castello tenebis, me novisse, qui dum huc ex urbe migrassent, brevi ita relaxatos esse, unum, ut cachecticum facie ferret, in incompletam herniam, & quartanam incideret, alterum, ut strictior antea exsicciorque, laxata cute, totus repleretur.

§. XVIII.

Infantia de se ætatum omnium maxime relaxata est. Quare si relaxanti five diætâ five regimine, five pharmacia nimium obruatur, cum summæ relaxationis morbus spinalis sit (§. ant.): cur, recensente Boerhaavio Aphor. §. 1484. qui praxin exercuit, ubi rachitidis patria est, diætâ aquosa, mucosa, farinacea, horæacea cruda, saccharata, piscibus frequentior, balnea, fœtus, linimenta, unguenta (relaxantia utique) vapores humidi, perpetua quies, frigida ac humida in genere, rachiticos reddant, intelligis. Ita quoque quia quartana ipsa morbus relaxationis est, & quia morbi acuti in magnam relaxationem solvi observantur, ad rachitidem tenellam ætatem disponunt

Nimirum

Nimirum hæc ad morbum spinalem disponentes, seu *proigumenæ* causæ sunt; quem nos quidem hætenus non aliter, quam à dentitione ortum, observavimus. Dentitio ergo ipsa nobis vera causa esse videtur, quæ in subiecto, per alias causas prædisposito, rachitidem determinet. Non enim absolutæ sunt aut morborum, aut salutis, aut mortis causæ, sed relativæ, cum non absolute in quoque subiecto effectum edant suum, sed in eo solum, quod per alias causas, quas prædisponentes, aut *Proigumenas* dicunt, quæque, ita nuncupatam, *Receptivitatem* subiecto inducunt, ad suscipiendam causæ primariæ, & Procatarticæ actionem, idoneum aptumque redditum est. Jam à Galeno tradita hæc doctrina infinitis exemplis Practicis illustrari potest. Ita enim Tinctura Veneris Helvetii stricto seu bilioso data, hyperemeses, & facile mortem invitat, laxo & stupido propinata saluti est. Aër Pestilentialis, qui optimi *Sydenhami* tempore civibus Londinensibus incubuit, multis salubris fuit, & à morbis chronicis liberavit, sed infinitos alios interemit. Vidi olim vehementer strictum, cui austrinis tempestatibus bene semper erat, sereno, sicco, stringentique coelo pejus, qui adeoque à communi hominum natura abhorruit. Sic humido cubili alios læsos, alios à chronicis levatos fuisse, memini, læsos nempe phlegmaticos seu laxos, levatos biliosos, seu strictos. Germanorum methodus morborum Syndromen malum hypochondriacum acribus laceffendi, quam male biliosis & strictis cedit, quot inde mala in meo ipsius corpore accensa dolui! quam vero convenit morbis viscerum abdominalium laborantibus laxis & pituitosis! Sed ab observationibus, à præsentī materie alienis, reversi, videamus quoque, quinam parentes prolem suam ad Rachitidem disponant.

§. XIX.

Quoniam parentes corporis sui constitutionem proli impertiri, quotidianæ observationis est: à laxis parentibus laxa proles generanda est; & cum corporis relaxatione tenellam ætatem ad rachitidem disponi §. 17. demonstratum sit: *relaxati ad rachitidem dispositum pusionem generent.* Inde est, quod, observatore eodem Boerhaavia Aphor. §. 1482. *Rachitis maxime infesta sit liberis, quorum parentes laxa & debili conditione corporis, otiosi, molles, opipera mensa, cibis pinguibus, saccharatis, pane pauco, vinis dulcissimis, & aqua multa calida usi sunt.* Hæc enim & diæta & regimen genitores ipsos nimium relaxat. Porro cum morbi venerei in secundo stadio frigidi, seu relaxationis sint, id quod & observatio, & suis consultationibus Med. Tom. II. Consult. LXXXVIII. A Fonseca te docebit, ubi ita habet: *Lues venerea est morbus à tota substantia venenatus & occultus; præterea intemperies calida & sicca ipsius jecoris, quæ utplurimum à principio cum hoc affectu copulatur, quia fit ebullitio quædam, licet progressu temporis degeneret in affectum frigidum & humidum.* Cur quoque venere & gonorrhœa laborantes, prolem ad rachitidem disponant (observante Boerhaavio loc. cit.), seu, cur lues venerea parentum in prole in Rachitidem degeneret, testante Astruc de Morbis Venereis. Libr. II. C. I. intelligis. Demum senes, etsi exsiccati, naturaliter stricti sint, cum tamen fluidi nervei, seu vitæ debito in partes influxu sublato, vitaliter relaxentur, sobolem ad rachitidem properantem enituntur, vide Boerb. loc. cit.

§. XX.

Jam consideratis causis prædisponentibus, examinandum quoque veniret, cur Rachitis à dentitione potius, quam ab alia causa primaria actu ingruat. Enim
vero

vero hæc causa repertu difficilis, & ejus cognitio praxin exercentibus forte supervacanea, forte utilis erit. Viam tamen, quam reperturus teneat, sternemus. Et ante, & cum dentes erumpunt, magna in corpore mutatio, magnus stricturarum tumultus cietur, modo vomitum, modo diarrhoeam, modo alvinam obstructionem, modo largam diuresin, modo convulsiones, epilepsias, febres, corporis incendia, deliria, sitim, inappetentiam &c. exsuscitans. Sub his turbis mole aucti, intumescentesve dentes, divisa gingivarum carne, prornunt. Sic etiam sub stricturis, quæ variolas & antecedunt, & comitantur, octo dentes alveolis suis emerfisse historia X, docuit. Jam vero, si in hoc rerum articulo ossium processus, & quæque ossa spongiosa æque in spatium amplius, ac ipsi dentes eniterentur? Vel quid, si eo tempore ossa omnia constanti quadam naturæ lege molliora essent, quam alio? Quid etiam si strictis vasis, uti Manica Hippocratis, expressa aqua lamellas fibrasque ossium nimia vi inundaret, & ita emolliret, ut Papiniana Machina? Sed, quod mihi quidem videtur, nondum satis observationum collegimus, ad hanc causam intelligendam conducentium. Adhuc tamen, quæ sequentur, addito. Scio ossa aquis septicis macerando, plane emolliri posse, scio in altero stadio morborum venereorum, & scorbuto, quos relaxationis morbos esse historiæ docent, subin mollia reddi: quare cum magnam, dentes edentium, stricturam, magnâ quoque relaxatio sequatur, cum porro relaxatio acris cacochymiae parens existat; forte eadem causa emolliendorum ossium & in rachiticis, & in venereis seu syphiliticis, & in scorbuticis occurrit, cacochymiae nimirum sepsis.

§. XXI.

Quia gibbosi omni tempore occurrebant, etiam Hippocrati, ut ex Aphorismis, & libris de articulis intelliges, quia quoque, quibus extremitatum ossa incurvata essent, haud minus frequentes fuisse, confido: à Rachitide morbo autem & gibbi & ossium inflexiones dependent: *Non ipsa Rachitis, sed observatio Rachitidis sola mihi nova esse videtur.* Nam Hippocrates Aph. 46. Sect. 6. enuntians, *qui gibbosi ex asthmate & tussi fiunt, ante pubertatem moriuntur, vel ut apud alios lego, qui gibbosi ex asthmate & tussi ante pubertatem fiunt, moriuntur,* quid, quæso, aliud, quam ipsam rachitidem, solo omisso termino tecnico, qui hodie in usu est, describit? Atque cum maritimum coelum ob madorem suum causam proigumenam morbo spinali præbeat (§. 17.): quin ex Insula Coe nato Seni nostro, observatorum principi, hic morbus obviam factus fuerit, quis dubitabit? Nimirum uti Methodici, Pnevumaticique, quod novos terminos condidissent, propterea nova theoria Medicinam a se ornatam, putabant, ita hodie quoque non raro ex terminis de morborum ætate seu duratione statuimus. Jam, spectatis morbi spinalis causis, ad symptomata explicanda doctrinæ ordo deducit.

§. XXII.

Cum relaxatæ fibræ difficilior sit motus muscularis, quam debito gradu strictæ: rachitici vero magna relaxatione laborent (§. 17.); vides, cur, *si antea & ire & loqui potuerint, spinosi tamen facti, difficilius & gradientur, & in voces exspiratum aërem modulentur, aut cur ambulare vel loqui plane non addiscant.* Atque quod ipsa respiratio motu musculari peragitur, cur *difficulter respirent,* seu Asthmate aut Dispnoea teneantur. Imo cur *Caput,* quod motu musculari

lari erectum tenetur, *sustentare nequeant*, retrorsum, quo inflexio vertebrarum colli vergit, prolapsum. Porro vides, cur *morbo*, hinc relaxatione, aut fluore *aucto*, *pedes*, *officii sui plane obliviscantur*, cur *Dispnoea quoque in orthopnoeam increseat* (*hist. 11. & 7.*). Scio malam pectoris conformationem Dispnoeae rachiticorum causam haberi, verum, cum tot viderim pectore male conformatos, qui, quam diu fanitate fruebantur, procul ab omni asthma remoti erant, nolim consentire.

§. XXIII.

Cum relaxatae partes, fibraeque majus spatium occupent, quam strictae: id quod sub diuturniori tempestate austrina ex subumentibus hominum faciebus legere est: eodem modo ac §. ant. intelliges, cur *spinosis viscera mole aucta*, ut inde & sternum & spina dorsi, utpote emollita, in gibbos eleventur, ut abdomen in monstrum turgeat, ut amplis futuris distinctum caput (quod *Boerhaavius Aphor. §. 1784. tradit*) se ipsum magnitudine exsuperet. Cur porro cutis & membranae justo densiores sint, & vesica urinaria tantae molis à me sub sectione reperta.

§. XXIV.

Bilis Rachiticis deficere debet, Sect. Anat. hist. V. Namque spinosis in cellulari omni, & omentis pinguedinem deficere hist. cit. vidimus. Quare cum bilis amarescentia pinguedinis, ex omentis, ex mesenterio, ex stratis adiposis & appendicibus epiploicis Coli & Recti ramificationibus venosis venae Portarum absorptae, & in hepate per ramificationes arteriosas ejusdem Venae secretae, generetur: bile spinosos destitutos esse, liquet.

§. XXV.

Sanguis spinosis resolutus, & humores mucosi. Namque miseris hisce bilem deesse, mox ostendimus. Sed chymi ea solum portio, quæ cum sufficienti oleo bilis combinatur, in chylum & lac atque fluida albuminosa mutatur, altera in mucum abit. Quare spinosis humores mucosi sint, necesse est, propterea quod, deficiente bile, cum oleo chymus combinari nequeat, non itaque in lac, sed in mucum tantum abeat. Quoniam igitur sanguini quoque potissimam cohæSIONEM à materie caseosa lactis, & pituitosis seu albuminosis fluidis accedere, hic suppono: sanguis spinosorum levi cohæSIONE gaudebit. Cum ergo imminuta cohæSio Resolutio dicatur, Rachiticorum sanguis resolutus erit. Utique sanguini maximam cohæSIONEM à lactis materia caseosa, & fluidis albuminosis largiri, recte supposui, quod hæc ipsa sæpe super cruoris placentam corii tenacitate concrecant.

§. XXVI.

Spinosi ad hæmorrhagias per anastomofin dispositi. Quippe sanguinem ipsis admodum resolutum, & flaccida vasa nullo tono esse percepisti. Quare ille per non obstantia vasculorum ultimorum extrema orificia facile elabi potest. Atqui hæmorrhagiam per anastomofin dicunt extravasationem sanguinis, quæ per vasorum sive excretoriorum, sive inhalantium aperta oscula fit, nulla nec ruptura, nec erosione facta; quare spinosi ad hæmorrhagias per anastomofin dispositi. Inde est, quod tam frequentes rachiticorum hæmorrhagias historiis empiricis spectaverimus.

§. XXVII.

Spinosis branchus frequens, præsertim sub somno, & justo gravior vox. Etenim ipsis totum corpus, hinc & pulmones

nes flaccidi & relaxati, præterea mucosa fluida sunt (§. 25.), quare quia relaxatio excreta crassa facit, augetque: rachitici affatim mucosorum humorum in pulmones & asperam arteriam ex frequentissimis harum partium mucosis glandulis exudabunt. Sed nimia ejusmodi in pulmones & asperam arteriam excretio Branchus audit: hic itaque spinosis frequens sit, necessum est, præsertim corpore & pulmonibus insuper per somnum relaxatis. Inde ad tussim sollicitantur, vel alio labore ex pulmonibus evolutum mucum deglutiunt (Obs. 9.). Porro laryngis strictura acutam, saltem respectiva relaxatio graviolem vocem reddit, cum adeoque spinosi toto corpore, hinc etiam larynge relaxati sint, cur gravior ipsis vox sit, me observante, pervides.

§. XXVIII.

Spinosi somnolenti & addephagi. Namque relaxati sunt: fluidum igitur nerveum non satis in partes movetur. Pone enim contrarium, cum à fluidi nervei influxu partes stringantur, spinosi non erunt summopere relaxati, sed stricti; id quod absurdum (§. 17.). Quare miseræ huic soboli pacatus fluidi nervei motus est. Atqui hujus fluidi pacatus motus, in partes non sufficienter illati, somnum invitat. Spinosi ergo somnolenti sunt. Porro centies observabis, relaxatione appetitum augeri, strictura proster-
ni: quare rachitici addephagi, seu edaces erunt.

§. XXIX.

Jam difficilior opus aggredimur, *Statum mixtum* ex Rachitide distincte explicaturi. Rachiticos autem, etsi majorem in modum relaxati sint, diversis tamen stricturarum paroxysmis, epilepsia, tenesmis immanibus, nervorum distensionibus qualibuscunque, frigore, æstu, vomitibus,

tibus, lenta febris, hæmorrhagiis activis corripitur, historia empiricæ abunde testatæ sunt. Quare cum relaxatorum stricturæ *Mixti* nomine Methodicis venerint: *Mixtum dari* & quidem in *Rachitide* quoque vides. Sed quid? an non satius esset, misso exotico hoc termino, *stricturas rachiticorum*, aut *relaxatorum* dicere?

§. XXX.

Si missis motu muscolari, & mentis affectibus, jucunda animi quiete fruaris, aut dormias, pulsus magnus, fortis, tardus, rarus, mollis est. Quare cum jucunda animi quies, ac somnus sanitati competentem relaxationem inducant; debitæ relaxationis pulsus magnus, fortis, tardus, rarus, mollis est. Pone nimiam relaxationem, uti puellæ cachecticæ aut rachiticæ, aut somno longiori tempore producto, tunc pulsum parvum, debilem, tardum, rarum, mollem esse observabis. Jam cachecticam, seu relaxatam, & fluentem ejusmodi puellam ad eundem incitato, prout, hujus ægritudinis non fatigari, Practici sæpe faciunt, tunc pulsus parvus, debilis, celer admodum, & frequens, mollis tamen adhuc, etsi minus quam antea, seu mollem inter & durum vacillans, reddetur, cor palpitabit, dispnoea pectus angustabit, vertigo & animi deliquium imminebit. Atqui motus muscularis stringit, & hi stricture affectus sunt. Vides ergo, *quænam pathemata nimium relaxatis superveniens strictura excitet*, sive hæc strictura à causa externa, sive ab interna, uti ab acri cacochymia proficiscatur. Inde est, quod spinosi ab acris subito, & nulla arte applicatis, uti secundæ historię puella a raphano sumpto, & thermis Marchionatus Baadensis tam male sese habuerit. Stringunt enim acria. Si igitur propositum stricture gradum laxatis inducant, non possunt, non male cedere. Ita quoque quam sæpe
puella

puellæ cachecticæ ab usu martis, qui tamen maxime indicatur, initio infestantur, cum tamen, continuato ac arte Sydenhami gubernato remedio, ultra primum hunc stricturæ in mixto gradum deductæ, læte convalescere incipiant. Non ex Theoria quadam commentata, sed quæ fieri vidi, in medium profero. Non ergo melius fecerunt, qui, visis hisce malis, calybem in relaxatis fœminis damnaverant, ignari & methodi ea præcavendi, & bonorum, quæ inde consequuntur, quam illi, qui propterea Opium & Theriacam rejecerant, quod verum usum nescirent, ut & veneris tincturas, quod strictis, aut sanis, aut saltem non summopere relaxatis porrectæ, damna intulerint. Nul- lum enim medicamen verus usus, sed abusus, noxium fecit.

§. XXXI.

Sed aliam adhuc relaxatorum, seu in mixto strictu- ram contemplabimur, quæ tunc ingruit, cum corpus ul- tra statum pulsus parvi, debilis, tardi, rari, mollis relaxa- tur. Ubi has observationes teneto: si relaxatus rachiticus dulci & relaxanti diætâ, ut pomis, pyris dulcibus, passu- lis, ac saccharatis tractetur, in continuos vomitus, frigus febrile, & æstus incidit (*hist. II.*): vel saltem debilitates & nervorum distensiones per tres aut quatuor dies incre- mentum capiunt (*hist. V.*). Porro quo propius, morbo hinc & relaxatione, aucto, mors Rachiticis imminet, eo magis & nervorum distensiones, & deliquia animi, & te- nesmos augeri, atque lentam etiam febriculam accedere, historiis empiricis edocti sumus. Quare cum hæc omnia stricturarum sint phænomena, *Quænam stricturarum sym- ptomata ultra gradum pulsus parvi, debilis, tardi, rari, mollis relaxatis superveniant, vides.* Quæ hic evolvimus ex alio- rum morborum cursu, simili observatione colligi possunt, quos omittimus de Rachitide, non de universa Pathologia

scribentes. Sed adhuc notandum, quod cum *Rachiticos* nervorum distensionibus emori viderimus, illos *strictura mixta interim*. Et profecto hactenus tam hominibus, quam brutis nondum aliter mortem, quam stricturis vel simpliciter talibus, vel in mixto inferri videbam. Unde diu anceps hæsi, an de morte, an de morbo Rachitide mihi disputandum esset.

§. XXXII.

Jam vero rationem amabis percipere, cur eo gradu relaxati, quo pulsus parvus, debilis, tardus, rarus, mollior est, sive Rachitici sive alii, tam strictura, quam ulterior relaxatione accedente, variis stricturarum symptomatibus quæ statum mixtum absolvant, abripiantur. Sed hæc posteriori, & ex aliis morbis prius adhuc, quam ex ipsa rachitide observando intellexisse, mihi sufficit. Et quamquam non eò scientiarum nos unquam venturos prævideam, ut plane omnium, quæ quotidie in animali corpore contingunt, rationes sufficientes, veras intelligo, non precarias, & vanissimum quemque intellectum maximè fallentes, à priori eruamus: in hac tamen materie futura observationes quid adhuc largituras spero.

Ita (*Hist. V. & IX.*) stricturas alternis diebus exacerbatas attulimus, atque hanc observationem pluries & ipse & à me moniti alii fecere. Ita in me ipso, atque in aliis stricturas tam à causis externis, quam ab internis exfuscitatas modo tertio, modo quarto die, postquam prius exacerbabantur, vel plane tolli, vel notabiliter saltem remitti, & circa septimum demum plane evanescere vidi. Quænam quæso horum similiumve phænomenorum ratio sufficiens? forte in fingendo me felicior eris. Sed scire, non fingere Medicum, cui Praxis exercenda est, juvat. Hæc quoque causas rationesque sufficientes fingendi licentia

centia me eo impulit, ut nullam unquam morbi cognitionem Theoricam seu Dogmaticam concipiendam esse putem, nisi prius omnem ejusdem morbi empiriam tam pathologicam quam Therapeuticam intellexerimus

§. XXXIII.

Ex his intelligis, quidnam de diversis stricturearum morbis, quo etiam hæmorrhagiæ activæ pertinent, Rachitidi supervenientibus judicandum atque ratiocinandum sit. Hæc igitur, ne præfixos limites supergrediar, industriæ tuæ relinquo, id solum addens, rachiticorum mortem tribus aut quatuor imo quatuordecim diebus notabili mutatione anteverti (*hist. II. X. & V.*). Quæ observationes, cum aliis junctæ, utilia dogmata offerent contemplanti.

§. XXXIV.

Spinosi cacochymici fiunt. Namque cum pulsus debilis sit, vires vitæ admodum remissas esse, necessum est. Sed hisce viribus excretiones, progenita acria corpore eluentes, præstantur. Quare hæc, una cum materia perspirabili in corpore retenta, acri saburra humores conspurcant. Cum itaque humorum acrimonia Cacochymia vocitetur, Rachitici non possunt, non cacochymici esse. Inde Rachiticis exanthemata varia, & frequentes variolæ. Sed demum omnem hanc materiam terminabit

THERAPIA DOGMATICA.

§. XXXV.

MOrbum spinalem, cum magnæ relaxationis & humectationis sit, curare tentanti, Prima Indicatio hæc occurrit: *Admodum stringenti ac exsiccanti & Diæta & regimine & pharmacia tractandus æger, rite tamen, quæ hoc scopo imperantur,*

perantur, viribus ægri vitalibus, & stupore, aut sensibilitate æstimando. Nam stupor & sensibilitas individui ægrotantis indicata pharmaca mutant: quæ enim stupido acerrima stringentia competunt, sensibili mitiganda.

Diæta ergo nec farinosa nec aquosa, nec oleosa, butyracea, pinguis, saccharata, dulcis, nec ex vaccino lacte, piscibus, fructibus horæis, intestinis, omentis, naso, ungulis, pedibus & articulis animalium, nec ex carnibus coctis aut gelatinis comparata sit, sed ex assatis, aromatibus, magis minusve vinosis, solidiori forma, quam fluidiori concinnatis.

Regimen tale sit: aër & natura & arte ficcus comparetur, in loco lucido & tumultuoso hospitent, in animi affectus, quos ferre posse prævidentur, cieantur, motu, quem ferent, fortissimo concutientur, lecto & frictione dura utantur, utraque enim, mollis si est, relaxat: à foribus cum cura purgentur, vestis aut rubra aut alba sit, & sæpe mutetur: hic enim color & mutatio corpus stringit. Et frigori & multo ac sicco calori exponantur. Præsertim tempestate humida & australi eorum cura geratur, & succensis resinosis &c. quem colunt, aër ficcetur.

Pharmacica acribus & exsiccantibus tam interne, quam externe, sive in balneis, sive in vaporibus, suffimigiis, stuphis, sive in fotu, sive in sacculis, sive in epithemate, cataplasmate, unguento, emplastro, præsertim ad spinam dorsi, nucham, caput, plantas pedum, & manuum volas, articulos, & ubicunque major in corpore sensibilitas viget, applicatis, absolvitur. Interna ore ingerenda sunt, eadem ratione acria, sive purgantia, sive emetica, sive sepsi quadam agentia, ea tantum copia propinanda sunt, ut conatus potius vomendi, quam ipsos vomitus cieant, atque ut appetitum prosternant; fames enim docente Hippocrate Aph. 59. Sect. 7. exsiccat; non vero ea copia, ut actu

actu evacuationes exfufcitant, has enim, etfi ftricturis fiant, relaxationibus tamen excipi, fæpenumero videre eft, nifi femel coeptas has evacuationes, coeptamque ftricturam continuato pharmaco profequi velis. Id quod oppido Sydenham agnovit, *In differtatione Epiftolari ad Guiliel. cole. monens: in Rachitide vera catharsin locum non habere, nifi ut femel aut bis ad plurimum æger purgandus, antequam ufum alterantium aggrediatur. atque eandem observationem in cura mali hystერი, relaxatas occupantis, & hydropis repetit. Quæ omnia quam vera fint, qui Praxi observandi industriam jungit, experietur*

§. XXXVI.

Altera indicatio hæc efto: *Rachitico brevi à pastu bilis infpiffata, aut fapo venetus, aliusve cum oleo præparatus, offeratur. Quippe Rachiticis bilis deest, atque hinc nullius consistentiæ, seu cohæfionis sanguinem & mucosos humores fortiuntur (§. 25.). Quare hunc defectum emendaturus à pastu ocyus, ac chymificationem peractam esse judicabis, bilem, vel, ob olei vim, bilis vicarium faponem subjunges. Sic enim cum oleo aut bilis aut faponis combinatus chimus, in verum chylum, & lac, ac inde in sanguinem debitæ consistentiæ, nec mucosum abibit. His adde, acredine bilis, aut faponis incitato motu peristaltico, primam digestionem adjutum iri, atque ex parte primæ indicationi, acria & stringentia postulanti, satisfieri. Hæ *Indicationes universales* sunt, quas, morbum spinalem sublaturus, servabit, *Individuales* ex determinationibus individualibus subjecti quique, ingenio & doctrina excultus, Therapeuta derivabit. Admodum enim falluntur, qui omnem morbis medendi methodum scriptis comprehendendi, & in scientias colligi posse, sibi persuadent. Nam cum scientiæ non nisi genera & species, quæque iis*

competunt, attingant, ad individuales vero determinationes, utpote quæ infinitæ sunt, nunquam descendant quæ ab his indicationes, Individuales à nobis dictæ, offeruntur, libris scientiisque exulent, necesse est, non nisi ab eo datis casibus eruendæ, quem & ingenium & eruditio & cultura aptum reddidit etiam ad ea perspicienda, quæ natura intimo determinationum individualium recessu abscondidit.

T H E S E S

I. **E**Mpiria facit Medicum Theoreticum, seu omnis morbi empiria cognoscenda est, antequam theoria de ipso condi possit.

II. Usus remediorum drasticonum in quibusdam morbis necessarius, hancque necessitatem veteres perspexerunt.

III. Plethora sine stricturis est non ens.

IV. Dantur Phthyses sine pulmonum ulcere.

V. Epilepsia à terrore orta incurabilis.

VI. In Pleuritide putrida & maligna sive exanthematica sive non, qualis superiori verno tempore grassata fuit, venam secare non licet.

VII. An in Pleuritide Venæsectio continuanda sit, nec ne, sanguis primo missus indicabit.

VIII. Sanguis Vena missus, num febris continua sive simplex, sive cum exacerbationibus juncta, putrida & maligna sit, nec ne, ostendit.

IX. Podagra, quamdiu non est habitualis, curari potest. Quando autem in habitum abivit, tunc iisdem remediis exacerbatur, quibus antea curanda erat.

X. Materia Podagricorum albuminosa & gypsea est, nequaquam calcarea.

XI. Febris, græce πῦρ, seu ignis, non aliter nisi per æstum præter

præternaturalem definiri potest, & periodici absque æstu horrores febres nec sunt, nec à Galeno dicebantur.

XII. Cum puerum octo annorum noverim qui jam à tertio ætatis anno quotidie sex mensuras aquæ bibat, plus ingurgitaturus, si à parentibus non prohiberetur: ut Addephagi, seu Edaces, ita, quos Bibulos, seu Potatores dicere posses, occurrunt. Sed unde? certe hic puer admodum strictus, sanus, vegetus est, atque subtracto poculo, labiis ficcis & asperis, & maculis rubris genas variegantibus exæstuat, urinæ integrum torrentem una vice reddit.

F I N I S.

Mein Freund!

Nach langer Müh, hast Du nun überwunden.
Der Sygicæen Kranz wird Dir heut umgebunden:

Sie führt Dich wohl verdient, in ihren Tempel ein,
Da solt Du, künftighin, ihr treuer Priester seyn.

Die Probe Deiner Kunst, und Dein geschicktes Wissen,
Hast Du, in diesem Werk, uns deutlich abgerissen.

Selbst Phöbus lobt an Dir den angewandten Fleiß,
Und Du erlangst, mit Recht, der Ehre höchsten Preiß.

Dein Glück wird künftighin kein Wechselbalg mehr bleiben,
Und sich, wie bißanher, an Deinem Wachsthum reiben.

Drum sey nur unbesorgt! Dein Bamberg winkt Dir schon;
Da findest Du gewiß der Arbeit sichern Lohn.

Deßwegen zieh' nur hin! Und stille das Verlangen
Der Kranken, die mit Schmerz Dich wünschen zu empfangen:

Still' ihre Sehnungs-Sucht! Steh' ihrem Siechthum bey!
Und mach, zu Deinem Lob, sie aller Krankheit frey!

So

So wirst Du, immerfort, an Ehr und Glücke steigen:
Morbona wird entfliehn, und jeder Nomus schweigen.

Zu einem geneigten Andenken
entwarf dieses, in Ehl.

Georg Heinrich Behr /

Der Arzeneykunst Doctor und alter Policey-Richter
in Straßburg,


Hochf. Hohenloischer Hof-Rath u. Leib-Arzt,
wie auch

Verschiedener Konserl. und Königl. gelehrten
Gesellschaften Mitglied.

Monstraque cum *curvosque* doces curare tenellos,
Quam facili *rectos*, quæso, levabis ope?

G. WIDMER.

Med. Doctor.



Der Aerzte Zahl ist groß, und mehrt sich alle Tage;
Doch dünckt mich mehrt sich auch mit ihr der Menschen Plage.

Wie scheint Dir denn die Noth der Sterblichen zu klein?

Daß Du mein Freund! Dich auch bemühest ein Arzt zu seyn.

Doch nein, zu viel gesagt; ich muß es selbst bekennen:

Ein solcher Arzt wie Du ist wohl der Welt zu gönnen.

Wohlan so sey es dann, ich zieh mein Wort zurück,

Und wünsche Dir mein Freund, und Deinen Kranken Glück.

Diese wenige Zeilen wollte zu Bezeugung
seiner Ergebenheit befügen

Petr. Sam. de Chauffepié, aus Hamb.

D. A. G. D. in der Königl. Acad. der
Wissensch. zu Montp. Mitgl.



SI Galenus opes, si Justinianus honores

Largitur, quis te poterit felicior esse,

Qui fortunato junxisti foedere binos.

M. JOS. REN. MAR. JOACHIM

J. U. nec non Med. C. opponens.